



Inatsisartunut ilaasortaq
Sofie Geisler
/Maani

Nuup kangerluani qalerallit pillugit § 37 naapertorlugu apeqqummut nr. 2019-211-mut akissut

Ulloq: 08-07-2019
Suliap normua: 2019-15133
All. nr.: 11059881

Inatsisartut Suleriaasianni § 37, imm. 1 naapertorlugu Nuup Kangerluani qalerallit pillugit Naalakkersuisunut apeqquteqarputit. Apeqqutit suliassa qarfigisannit akineqartussanngorlugit innersuunneqarput.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

1. §37 naapertorlugu apeqqummut 172-2019-imut akissumminni Naalakkersuisut allapput aamma Nuup Kangerluanut atuuttumik aqutsiveqarfiit tassanilu pisassat kingusinnerpaamik 1. Januar 2020 pilersinneqarsimanissaat Naalakkersuisut sulisutigigaat.

- Naalakkersuisut ilisimatitsissutigisinnaavaat suliaq tassunga tunngasoq sumut killinnersoq?

Akissut: Suliassa q aallartinneqarsimavoq tassanilu kingusinnerpaamik 1. Januar 2020 aqutsiveqarfimmik nutaamik pilersitsinissaq siunertarinqarpoq.

2. §37 naapertorlugu apeqqummut 172-2019-imut akissumminni Naalakkersuisut allapput, aamma Nuup Kangerluanut atuuttumik, aqutsivinnik nutaanik pilersitsiniarnermut pilersaarutitut tunngatillugu Naalakkersuisut Pinngortitaleriffik qinnuiniaraat sumiinnut pineqartunut immikkut ittumik siunnersuisoqassasoq.

- Naalakkersuisut ilisimatitsissutigisinnaavaat suliaq tassunga tunngasoq sumut killinnersoq?

Akissut: Septembarip aallartinnerani siunnersuutit saqqummiissallutik Pinngortitaleriffiup ilisimatitsissutigaa.

3. Piujuannartitsinermik tunngaveqartumik pisuussutit atuinissamik aalajangersimaneq Naalakkersuisut namminneq qanoq paasinerlugu nassuiarnerlugulu akisinnaavaat?

Akissut: Naalakkersuisut piujuartitsineq nassuiarpat ataatsimut ataqatigiissutut, tassani ilisimatuussutit, aningaasarsiornermut aamma inuiaqatigiinnut tunngasut isiginiarneqartarlutik, kiisalu uumassusilinnik misissuisut siunnersuinerat aalisartullu aalisarfimminnik ilisimasaat aamma ilaatinneqartarlutik, taamatuttaarlu aalisartut assigiinngitsunilu najugallit patajaatumik ingerlanissaat Naalakkersuisut aalajangiinerminni tunngavigniartarlutit.

4. Naalakkersuisut Siulittaasuata imminut ilisaritinnerani uani 2015-imeersumi https://ina.gl/media/personfiler/2596700/besiddelse_af_andre_erhverv_ved_siden_af_hvervet_som_formand_for_nalakkersuisut_kal.pdf atuarneqarsinnaavoq Naalakkersuisut Siulittaasuata atuuffimmi saniatigut aalisarneq piniarnerlu inuussutissarsiutigigai.

- Nuup Kangerluani aqutsiveqarfimmik pilersitsinissamut tunngatillugu apeqqum-mik suliaqarnermi eqqumaffigineqarnerpa Naalakkersuisunut ilaasortaqarmat annertuumik sunniteqarsinnaasumik, sumiiffimmut pineqartumut tunngatillugu apeqqummut nammineq soqutigisaqarnerat / soqutigisaqarsinnaaner at eqqarsaatigalugu?

- Nuup Kangerluani aqutsiveqarfimmik pilersitsiniarneranut atatillugu suliaqarnermi apeqqummut nammineq inuttut soqutigisaqarnerup / soqutigisaqarsinnaanerup aporaanermik pilersitsinnginnissanut Naalakkersuisut qanoq iliuseqarpat?

Akissut: Apeqqut akiniarlugu Aalisarnermut, Piniarnermut Nunalerinermullu Naalakkersuisoqarfik Naalakkersuisut Siulittaasuata Naalakkersuisoqarfianut oqaaseqaatinik piniarsimavoq. Naalakkersuisut Siulittaasuata Naalakkersuisoqarfiata uku ilisimatitsissutigai:

Apeqqummi oqaatigineqartutut ilumoorpoq Naalakkersuisut Siulittaasuata Naalakkersuisoqarfia Qinigaanerup misilinneqarnissanut Inatsisartut ataatsimiititaliaanni akuer-sinerup kingorna inuussutissarsiutigalugu piniarnermut allagartaqaannartoq.

Piniarneq aallaaniarnerlu pillugit Inatsisartut Inatsisaanni maleruagassat kiisalu inuussutissarsiutigalugu piniarnermut allagartat pillugu nalunaarut tassunga atasoq naapertorlugit inuussutissarsiutigalugu aamma sunngiffimmi piniarnermut allagartat tunniunneqartarput pigisassanngortinneqartarlutillu. Inuussutissarsiutigalugu piniarnermut allagartaqarnermi inuussutissarsiutigalugu piniarnissamut aallaaniarnissamullu pisinnaati-taaffeqalersitsinerat inatsimmi nalunaarummilu taaneqartuni allassimapput. Inuussutissarsiutigalugu aalisarnissamut tamanna pisinnaatitsinngilaq.

Inuussutissarsiutigalugu aalisarsinnaanermut aalajangersakkat aalisarneq pillugu Inatsisartut Inatsisaanni aalajangersarneqarsimapput. Inatsimmi § 6 naapertorlugu imartani Kalaallit Nunaata aalisarnikkut oqartussaaffigisaanni inuussutissarsiutigalugu aalisarsinnaatitaaneq angallatinut inunnuunngitsorlu atassuteqarnerat inatsimmi allassimavoq. Aalisarsinnaanermut akuersissuteqarnissamut tunniussisarnerit piumasaqaatillu malittarisassat erseqqinnerusut aalisarneq pillugu Inatsisartut inatsisaat tunngavigalugu atulersinneqarsimasuni aalisarsinnaanermut akuersissutit uumasullu suussusii pillugit nalunaarutini atuarneqarsinnaapput. Inuussutissarsiutigalugu qalerallinniarnermi akuersissuteqarnissap piumasaqaataanera sinerissap qanittuani qalerallinniarneq pillugu nalunaarummi ilaatigut allassimavoq.

Inuussutissarsiutigalugu aalisarsinnaatitaanerup inuussutissarsiutigalugu piniarnermut allagartaqarnissamut attuumassuteqarnera pillugu aalisarneq pillugu Inatsisartut inatsisaanni nalunaarutiniluunniit tassunga tunngasuni aalajangersakkanik aalajangersaa-soqarsimanngilaq.

Siuliani allassimasut tunngavigalugit Naalakkersuisut Siulittaasuata Naalakkersuisoqarfia isumaqarpoq Naalakkersuisut Siulittaasuata Naalakkersuisoqarfiata inuussutissarsi-


tigalugu piniarnermut allagartaqarnera sinerissap qanittuani qaleralinniarnermik ingerlatsinermut tunngatillugu aalisarnermut politikkinut apeqqutinik Naalackersuisut suliaqarneranni peqataaneranut apeqqutaanngitsoq.

Naalackersuinikkut akisussaassuseqartumik ingerlatsinissamut suliamilu peqataasinnaannginnermut tunngatillugu maleruagassat atuuttut malilluinnarlugit Naalackersuisuni sulineq aaqqissuunneqartarpoq, naalackersuisunut ilaasortat naalackersuinikkut akisussaassuseqartumik ingerlatsinissaat pillugu inatsisartut inatsisaat aamma suliassat suliarineqartarnerat pillugu inatsimmi kapitali 2-mi suliami peqataasinnaannginneq takukkit.

Naalackersuisut Siulittaasuata Naalackersuisoqarfia Naalackersuisunullu ilaasortat suliassamut peqataasinnaannginnermut atatillugu suliassap suliarineqarnerani aalajangiisinaannginnerannik, aalajangiinermi peqataasinnaannginnerannik allatulluunniit peqataassaannginnerannik tamanna kinguneqarpoq.”

Apeqqummut atatillugu allanik oqaaseqaatissaqanngilanga taamaammallu oqaaseqaatinut saqqummiunneqartunut innersuussiinnassallunga.

Inussiarnersumik inuulluaqqusillunga


Jens Jørgensen

Aalisarnermut Piniarnermut Nunalerinermullu Naalackersuisoq



19. juni 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. §37 naapertorlugu apeqquqummut 172-2019-imut akissumminni Naalakkersuisut allapput aamma Nuup Kangerluanut atuuttumik aqutsiveqarfiit tassanilu pisassat kingusinnerpaamik 1. Januar 2020 pilersinneqarsimanissaat Naalakkersuisut sulissutigigaat.**
 - Naalakkersuisut ilisimatitsissutigisinnaavaat suliaq tassunga tunngasoq sumut killinnersoq?
- 2. §37 naapertorlugu apeqquqummut 172-2019-imut akissumminni Naalakkersuisut allapput, aamma Nuup Kangerluanut atuuttumik, aqutsivinnik nutaanik pilersitsiniarnermut pilersaarutitut tunngatillugu Naalakkersuisut Pinngortitaleriffik qinnuiginiaraat sumiinnut pineqartunut immikkut ittumik siunnersuisoqassasoq.**
 - Naalakkersuisut ilisimatitsissutigisinnaavaat suliaq tassunga tunngasoq sumut killinnersoq?
- 3. Piujuuaannartitsinermik tunngaveqartumik pisuussutinik atuinissamik aalajangersimaneq Naalakkersuisut namminneq qanoq paasinerlugu nassuiarnerlugulu akisinnaavaat?**
- 4. Naalakkersuisut Siulittaasuata imminut ilisaritinnerani uani 2015-meersumi [https://ina.gl/media/personfiler/2596700/besiddelse af andre erhverv ved siden af hvervet som formand for nalakkersuisut kal.pdf](https://ina.gl/media/personfiler/2596700/besiddelse_af_andre_erhverv_ved_siden_af_hvervet_som_formand_for_nalakkersuisut_kal.pdf) atuarneqarsinnaavoq Naalakkersuisut Siulittaasuata atuuffimmi saniatigut aalisarneq piniarnerlu inuussutissarsiutigigai.**
 - Nuup Kangerluani aqutsiveqarfimmik pilersitsinissamut tunngatillugu apeqquqmik suliaqarnermi eqqumaffiqeqarpa Naalakkersuisunut ilaasortaqaqarmat annertuumik sunniuteqarsinnaasunik, sumiiffimmut pineqartumut tunngatillugu apeqquqummut namminneq soqutigisaqarnerat / soqutigisaqarsinnaanerat eqqarsaatigalugu?
 - Nuup Kangerluani aqutsiveqarfimmik pilersitsiniarnermut atatillugu suliaqarnermi apeqquqummut nammineq inuttut soqutigisaqarnerup / soqutigisaqarsinnaanerup aporaanermik pilersitsinnginnginnissaanut Naalakkersuisut qanoq iliuuseqarpat?

(Inatsisartunut ilaasortaᑦ Sofia Geisler, Inuit Ataqatigiit)

Tunngavilersuut:

§37 naapertorlugu apeqqutitut arlalinnut akissutit uppersarpat Nuup Kangerluani qaleraleqassuseq sulit maannamut aqunneqanngitsoq annertuumik aalisartoqarneratigut innarlerneqarsimasoq, tamannalu ukiut arlallit ingerlaneranni taamaassimasoq.

§37 naapertorlugu akissumminni 172-2019-imi Naalakkersuisut allapput MSC-imiit piunasaqaatigineqarsimasoq Davis Strædemi Baffin Bugtemilu avataani qaleralinniarnermi aammalu sinnerissap qanittuani sumiiffimmi Aasianniit Nunap Isuanut aqutsineq aqqiivigineqassasoq, sumiiffinni pineqartuni tamakkiisumik pisassiissutigineqartussatut NAFO-p innersuussutaata iluani inissineqartussamik – tamannalu MSC-imik nutarterineq august 2019-mi pisussaagunartoq sioqqullugu pissasoq. Taamaangippat MSC-imik nalunaaqtsersuineq Nunatta annaariaannaamagu.

Aggusti aajunarlaraq, tamannalu tunuliaqutaavoq qulaani apeqquteqaatinnut, aalisarnermut taamalu aamma Nunatta aningaasaqarneranut pingaaruteqarlunnartumut sulissamut attuumassutilinnut.

Kissaatigivara apeqqutikka ullut suliffiusut qulit qaangiutinnginneranni akineqarnissaat.